

Naqqiut

Saqqummiussissut 7. marts 2022-mersaq taarserpaa

(Makku naqqiutigineqarput, oqaatsit atorineqartut suliallu normua)

Siunnersuut uunga: Inatsisartut aalajangiiffigisassa, Naalakkersuisut Parisimi Isumaqaatigiissummut nunatut nangaassuteqarnerup atorunnaarsinneqarnissaanik qallunaat naalakkersuisuinut nalunaaruteqarnissamik peqquneqassasut, Nunallu Naalagaaffiit Peqatigiit Silap Pissusianut Isumaqaatigiissummut UNFCCC-mut nalunaarutigineqassasq.
(Naalakkersuisut Siulittaasuat)

Saqqummiussissut

(Naalakkersuisut Siulittaasuat)

Siullermeerneqarnera

Naalakkersuisunut pingaaruteqarpoq, silap pissusiata allanngoriartorneranut tunngatillugu akiuiniarnermi peqataanissarput, aammalu nunarsuarmioqataasutut akisussaaffimmik tigusinissarput. Tamannalu tunuliaqutaavoq, kissaatigigatsigu nunat tamalaat akornanni silap pissusianut isumaqaatigiissut, Parisimi Isumaqaatigiissut tapersersussallugu.

Silap pissusianut unammilligassat nunarsuarmioqatigiit piffissami matumani unammilligassaasa annersaraat. Killiffik ilungersunarpoq Silap pissusiata allanngoriartornerata nassatarisaanik unammilligassat . iliuuserisinnaasagut iliuuserisariaqarpagut. Nunatta CO2-mik aniatitai nunarsuup sinnerani aniatinneqartunut sanilliullugit annikitsuaraapput. Taamaattorli nunat tamalaat silap pissusianut allanngoriartorneranut akiuiniarnermut pisarialimmut suliuniteqarnerannut ilaanissamut akisussaaffimmik tiguisariaqarpagut. Nunatsinni silap pissusiata allanngoriartornerata kinguneri ernumanartut ersareqaat, taamaammallu pingaaruteqarpoq, CO2-mik aniatitsinitta killilersimaarlugulu avatangiisitsinnut minguinnerusumik atueriaaseqarnermut ikaarsaarnissamut ukkataqarnissarput ilutigisaanillu, silap pissusiata allanngoriartornerata kingunerinut pinaveersaartitsinissarput killiffinnullu naleqqussarnissarput pisariaqarpoq.

Tamakkiisumik Parisimi Isumaqaatigiissutit siunertaa tapersersorparput, ataatsimoorullugulu, taamaattorli isumaqaatigiissummi peqataasut assigiinnngissitaartumik akisussaaffitsinnik kivitseqataassalluta.

Parisimi Isumaqaatigiissut nunat tamalaat akornanni isumaqaatigiissutaavoq Naalagaaffiit Peqatigiit ataani silap pissusianut tunngatillugu isumaqaatigiissutaavoq nunanik 196-nik peqataaffigineqartoq.

Isumaqaatigiissut aalajangersagaavoq inatsisitigut pituttorsimasq, tassanilu siunertaavoq kissatsikkiartornerup agguaqatigiisillugu 2 gradit ataatsingaatsiarlugit inissisimatinnissaa aammalu sulissutigineqassasq 1,5 gradinut killilersimaartinneqassasq.

Parisimi Isumaqatigiisummut silap pissusianut suliamut iluaqutaqaataasussamik, nuna tamakkerlugu aalajangiussamik anguniakkamik tunniussinissamik pisussaaffilerpugut. Kisitta aalajangissavarput, uatsinnut, inuiaqatigiinnilu anguniagassagut suussanersut.

Taamaattumik nuna tamakkerlugu silap pissusianut periusissiassamut suliaq aallartipparput.. Naalackersuisunit naqissusissallugu pingaaruteqartipparput Nunatta suleqatanaanera Danmarkip imaluunniit EU-p silap pissusianut tunngatillugu suleqataaneranut attuumassuteqanngimmat imaluunniit sunniuteqanngimmat, tamanna Naalackersuisuusimasut Parisimi Isumaqatigiisummut

nangaassuteqarnermik aalajangerannut tunngaviusimagaluarpoq.- Nunatta suleqataanissaa nunatsinni aalajangerneqassaaq, inuiaqatigiit kalaallinit, aamma Naalackersuisut isumaqatigiisummut ilaalernissarput kissaatigaarput.- Nammineq silap pissusianut periusissiassatsinnik suliap ingerlateqqinnissaa, Nunatta iliuuseqaqataaneranut tunngaviliisusaaq ilutigisaanillu nunatta aningaasarsiornikkut ineriartornissaanik pisariaqartitsinera sillimaffigineqassalluni. Parisimi isumaqatigiisut, avatangiisinut minguinnersumik atueriaaseqarnermut ikaarsaarneq, aningaasarsiornerullu ineriartortinneqarnera ataqatigiipput.

Tulluusimaarnarpoq, pisortatigut tusarniaanermi sapaatip akunneri sisamani ingerlasimasumi amerlasuut akissuteqarsimmamata akissuteqarsumasunillu arlalinnit siunnersuummut tapersersuinermik takutitsisimanerat aammalu nuna tamakkerlugu silap pissusianut periusissiassamut peqataarusullutillu sunniuteqaqataarusuttoqarmat..

Avatangiisinut minguinnersumik atueriaaseqarnissamut ikaarsaarnissamut siuarsaarusuppugut peqatigisaanillu aningaasaqarnikkut ineriartornerup qulakkeernissaannut sulilluta. Nunatta silap pissusiata allanngoriartorneranut akiuiniarnermik annertuumik iliuuseqalereerpoq. Erngup nukinginiq nukissiorfiit ukialuit qaangiuppata piareerpata, pisortani nukinnik pilersuinerup 90 %-ia nukissiutiniq piujuartitsinermissaapput. Kissaatigaarpullu nunatsinni innuttaasut aamma suliffeqarfiit pilersornerini minguinnersumik nukissuteqarnerup annertusarnissaa, Inuiaqatigiinnut uatsinnut nunarsuarmioqatitsinnullu aqutissatsialaavoq.

Aningaasaqarneq avatangiisillu eqqarsaatigalugit avatangiisinut minguinnersumik atueriaaseqarneqaammalu silap pissusianut qajassuussisunut ikaarsaarnermi salliutitsinermilu iluanaarutissaqarpugut. Piffissanngorporlu, Parisimi Isumaqatigiisummi nunatut nangaanartoqartitsineq aamma atorunnaarsissagipput. Issittumi nutaaliaasumi silap pissusiani politikkimik ineriartortitsinerup ilagaa aammalu nunatsinniit nunat tamalaat akornanni silap pissusianut isumaqatigiinninniarnernut suleqataalluni peqataanermut qulakkeerinnittoq.

Taama oqaaseqarlunga Naalackersuisut sinnerlugit aalajangiiffigisassatut siunnersuut Inatsisartunut suliassanngortippara